



12074.

58^{va}

1736, 18.

LECTORI BENEVOLO

S. P. D.

D. IOHANNES FLORENS
RIVINVS

P. P. ET ACAD. p. t. RECTOR.

Je D. Florens



LECTORI BENEVOLO
S. P. D.
D. IOHANNES FLORENS
RIVINVS
P. P. ET ACAD. P. R. RECTOR



Non leui incommodo Iurisprudencia
nostra afficitur, et fora turbantur,
vbi Collegia quibus de iure re-
spondendi potestas est, praeiudi-
ciis ac praeconcepis opinionibus
locum relinquunt, fidem ante-
cessorum et umbras auitas coeco im-
petu sequuntur, et ea quae ab iisdem per traducem
quasi acceperunt, indubitati iuris esse credunt, quibus
tamen saepius, re curatius expensa, leges, quas velut
Deos tutelares inuocant, non eam quam probare debe-
bant, sed plane alienam, imo contrariam sententiam sup-
peditant, et vix argumentum, quod vel obtorto collo in
praesidium sententiae adoptatae vocari posset, continent.
Ut taceam, inaequalem et dissonam interpretandi ratio-
nem, vagamque illam, quam quilibet pro suo captu sibi
arrogat de iure statuendi licentiam, de qua iam olim
conquestus sum, non pauciores generare Collegiorum
diffen-
* 2

diffensiones ac portenta pugnantium inuicem sententiarum. Quin studium nouitatis et reformandi, quod tamen longe ab animis eorum, qui veram non simulatam Iurisprudentiam religioso cultu prosequuntur, abesse debebat, alias variantes et per vicissitudines latas, velut per sortem vrna extractas producere videas sententias, quibus fata litigantium in multos annos protrahuntur, et cum iactura temporis, crumenae ciuium mirifice emunguntur. Transmissa sunt his diebus ad Ordinem nostrum Acta Processus alicuius, quae exemplo sunt eorum, quae bona mente, et ex iusto dolore conquestus sum, quaeque vt haec scriberem mouerunt. Acceperat pupillus a Patruo suo mutuum 1500. thalerorum autore tutore, ad soluendum debitum aliquod paternum, dederatque desuper chirographum, vtriusque, tutoris et pupilli manu confirmatum, quo expressum erat, quod hi nummi extinguendis passiuus fuerint adhibiti. Debitor post adeptam maiorenem aetatem, infelici fato alienationem mentis passus fuerat, proinde ipsi curator autoritate publica datus; interea vero temporis creditor vita decesserat. Huius filii coram Ill. Regimine A--C. contra curatorem mouebant actionem anno trigesimo huius seculi petebantque recognitionem instrumenti obligatorii; reus excipiendo vrgebat probationem versionis in rem et vtilitatem pupilli factae, prouocando ad *L. 3. C. quando ex facto tut. Facultas Iuridica Erfurtina* annuebat ipsius petitis et iniungebat auctori eandem mensis Ianuar. 1731: At interposita ab auctore Leuteratione, imprimis cum hic ex transactione, inter vtriusque partis patres antea inita, doceret, debitoris patrem se ad solutionem debiti in chirographo nominati obstrinxisse, *ICri*
lenen-

Ienenses Mense Septembris eiusdem anni immunem eundem ab onere probandi pronunciabant, et in casum praestiti ab eo suppletorii, quod tamen tantum de praesumptione, **daß Kl. nicht anders glaubten und vermutheten** praestandum iudicabant, reum simpliciter condemnabant, compensatis expensis: Vtraque pars hac sententia se grauata existimabat adeoque remedio suspensiuo utebatur, *ICri Helmstadiensis*, consulti, nec iuramento legali opus esse censebant, sed pure ex chiographo, corrigendo priorem sententiam, condemnatoriam dicebant Mense Febr. 1732: Reus hanc iterum a viribus rei iudicatae Leuterando suspendebat, cuius prosecutione facta, *ICri Halenses* non dubitabant Mense Sept. eiusdem anni ab his discedere et primae omnium, Erfurtensum, quae probatione versionis in rem actorem onerauerat, annuere: Amant alterna Camerae, Actori displicebant, ideoque Leutationem interponebat, et *Scabinatum in Ducatu Mindensi*, ad quem acta transmittentur, fauentem habebat, quippe reformando, iure postliminii ad iuramentum suppletorium, cuius tamen formulam corrigebat, Mense Iunio 1733: reuertebatur: At nondum euaserant partes varios casus et tot discrimina rerum, etenim reus sui officii esse reputabat, in hac Collegiorum varietate ad sacram Leutationis anchoram denuo confugere, idque prosperrimo euentu. Siquidem *Ordo ICrorum in Academia Rintehensi* Februar. anni 1734. actorem a suppletorio arcebat et antea impositam demonstrationem versionis in rem pupilli ab eodem expectabat: Sed improbata horum opinio in *Facultate Iuridica Vitembergensi* Iura reddentibus, qui actis ad eam perlatis, litem suppletorio actoris

ris finiendam esse Mense Octobris 1734. arbitrabantur; quibus etiam *Facultas Viadrina*, non obstante rei Leutatione Mens. Iul. sequentis anni calculum adiciebat: Denique *Ordo noster* arbitria facere, tantosque componere fluctus debebat, dum reus, praevia renunciatione remediorum ad summa tribunalia Imperii, ad Oberleutationis beneficium admissus fuerat; proinde, ne, quod de Camera Spirensi quondam assereretur, causa perpetuo spiraret, et lis ultralustrum protracta immortalis efficeretur, eo maiore fiducia confirmandas esse priores sententias ducebat, cum omnes fraudis simulationisque suspiciones cessarent, nec reus aliud praesidium quam quod in negatiua quaesierat, haberet. Lucundum erat, singulorum collegiorum rationes dubitandi et decidendi legere, motusque varios iudicantium perferutari. Pomum Eridos videbatur *L. 3. C. qu. ex fact. tut.* qua multi Doctorem ita conuicti, dixissent fere decepti, ut persuasum habeant, ex mutuo a tutore aut curatore nomine pupillorum vel minorum accepto, pupillos vel minores finita tutela vel cura, actione directa non aliter teneri, quam si ab actore probetur pecuniam in utilitatem eorum esse versam. Sed si paulo attentius inspiciamus hunc textum, patebit, non esse sermonem de mutuo a pupillo autoritate tutoris accepto, sed de solo tutoris facto, si rem a se mutuo sumtam in rem minoris verterit, quod tum, ob utilitatem inde perceptam, datur in pupillum utilis personalis actio, quae mens est Imperatoris *Gordiani*, quam etiam in *L. 2. de curat. furios.* cuius itidem Autor est, exponit. iung. *L. 6. pr. ff. de Neg. gest. Corn. v. Eck. princ. Iur. Ciu. Tit. quand. ex facto tut. th. 3.* alias enim, uti recte *Iulianus* asserit *L. 13 ff.*

§. ff. de aut. et conf. tut. impuberes tutore autore omnino obligantur, hinc, si mutuam pecuniam acceperint, auctoritate tutoris interposita, tenentur; quare et, si non debita pecunia his personis soluta sit, interposita tutoris auctoritas sufficit, ut condictione teneantur multo magis si pupillus, in confinio plenae pubertatis constitutus, ipse mutuum contrahat et creditori chirographum sua ipsius et curatoris manu munitum exhibeat, quod moribus Germaniae vim guarentigiati et paratam executionem habet, omnesque turbidas exceptiones respuit. Egrege huc faciunt verba *L. 9. §. 6. ff. de aut. et conf. tut. etiam si non exaudiat tutoris auctoritatem is qui cum pupillo contrahit, scriptis tamen hoc approbetur, recte negotium geritur: veluti si absenti pupillo per epistolam vendam aliquid aut locem, et is tutoris auctoritate consentiat.* Igitur fidem et vim executiuam denegare velle chirographo tali, iniquum foret, nec facile inueniretur, qui nummos minori crederet, eiusdemque necessitati aut utilitati subueniret, si tam difficilem probationem suscipere necesse haberet. Sed satis de hoc. Exponendum etenim est consilium quod ceperunt Nobilissimi quidam Iuvenes, de instituendis mutuis consuetudinibus publicis in auditorio ICORUM ad singulos Pandectarum Libros, a Ludouico descriptos, a Libro I. vsque ad librum IX. Sunt illi

DN. CHRISTIANVS LVDOVICVS SAVL,
Gothan.

DN. IOHANNES GOTTLIEB SCHNORR,
Schnee.

DN.

DN. CAROLVS FRIDERICVS SEGNIZ,
Schenkenberg Mifn.

DN. CHRISTOPHORVS FRIDERICVS
STRVNZE, Loefn. Mifn.

DN. IOHANNES FRIDERICVS HOKEL,
Dreſd.

DN. GOTTLÖB CAROLVS TAVNER,
Neuhuf. Mifn.

DN. CHRISTIANVS GOTTLIEB SIMON,
Freyberg. Mifn.

DN. IOHANNES CHRISTIANVS HAER-
TEL, Lipſ.

DN. IOHANNES ADAMVS FLORIANVS
POPPE, Martisburg.

Vt igitur Generoſiſſ. et Nobiliſſ. Ciues noſtri, praecipue
illi, qui iuriſprudentiae incumbunt, eorum diſputationi-
bus, quae pro valuis publicis indicentur, frequentes ad-
ſint, omni qua par eſt humanitate contendimus.

P. D. Lipſiae Dominica Oculi A. S. R.

MDCCXXXVI.

LIPſIAE

EX OFFICINA LANGENHEMIANA.

Leipzig, Diss., 1736

ULB Halle

004 824 970

3



f

TA → OL nur 1 Stück an





1736, 18.

CTORI BENEVOLO
S. P. D.
IOHANNES FLORENS
RIVINVS
P. P. ET ACAD. p. t. REGTOR.

Se J. Gott.

